


# Spëisa de Südtirol reprejteda tl Brasil

Vint chefs taliani à pudù prejenté derzedes te vint restauranc cunesciui de São Paulo tl Brasil.  
L Chalet Gérard de Sëlva à abù l unëur de pudëi reprejenté l Trentin-Südtirol



**L chef Manuel Strini cun Helga Mussner, la chefin y patrona dl Chalet Gérard.**


**Spëisa** - Dai 24 ai 31 de utober ie vint cueghes taliani stac a São Paulo n ucajian dla quarta ena dla "Cucina Regionale Italiana". L

Chalet Gérard à abù l unëur de pudëi reprejenté la Region Trentin-Südtirol, pitan spzialiteies raioneles. Deberieda

cun i colegs brasilians à i vint chefs taliani metù adum n menù speziel ispirà a duta la regions dla Talia. Bën 160 rezetes de duta la regions talianes ie pona unides servides cun suzes te vint restauranc taliani renumei dla gran zità.

I reprejntanc dl Chalet Gérard à pudù prejenté si prudoc tl restaurant Santo Colomba. L chef Manuel Strini, che ie a cë dla cësadafuech Gérard, se mpënia bele da truep ani incà a manteni la tradizons y la cualità dla spëisa piteda. L jëunn de 25 ani à cujinà deberieda cun Helga Mussner, la chefin y patrona dl Chalet Gérard. La derzedes che ie unides pitedes tl restaurant nëubl ie unides njeniedes ca cun prudoc dla region da na cualità auta y fates su te na maniera drët moderna, ma sambën for liedes ala spëisa tradiziunela.

Coche ntreda fòvel millefoglie de carrè sfumià cun linses marinedes y cherscion o ciociu



**N bon cëif prejentà tl Brasil.**



**Manuel Strini cun Nives y Alexa Mussner.**

cun jëut y mëiles. Coche prim pudòven crì ora risotto ala blaves cun rijj, orde y ierbes aromatches cun ciociul crocant o crafuncins cun parmesan y smauz. Pra l segundo fòvel massela de vadel fata ju cun crosta de mandurles sun nëif de patac o golasc de manz cun na bala arestides y capusc cueciun. Coche dessert pudòven

crì ora strudel cun crema de vanilia o n semifreddo cun fruc dl bosch. Chësc menù particular ti à sapù drèt bon ai ghesc y perchël iel stat n bel suzes per i doi cueghes, sambën nce cun na fazion mpurtanta de marketing per la cualità dla cësadafuech te nosc raions.

*Sofia Stuflessner*



***A de teles iel for nce na ucajian de sozialisazion y de barat de ideies.***